

| | | | |
|-------------|------------------------------|------------|----------|
| Headline | Bina 10 pondok tarik pelajar | | |
| MediaTitle | Sinar Harian | | |
| Date | 13 Jul 2018 | Language | Malay |
| Circulation | 160,000 | Readership | 509,000 |
| Section | Selangor & KL | Page No | 39 |
| ArticleSize | 783 cm ² | Journalist | WAN MOHD |
| PR Value | RM 40,068 | | |



Bina 10 pondok tarik pelajar

SMK Sultan Sulaiman sedia kemudahan selesa agar guru dan pelajar dapat lakukan aktiviti di luar kelas

WAN MOHD RUZLAN WAN OMAR

KUALA TERENGGANU - Suasana persekitaran sekolah memainkan peranan yang cukup besar dalam menyuntik rasa selesa berada di sekitarnya, malahan semangat untuk belajar akan tumbuh segar.

Suasana persekitaran yang kondusif bukan semata-mata terhad kepada adanya landskap yang berupa taman mini yang berhiaskan tumbuh-tumbuhan semata-mata.

Banyak cara yang boleh dilakukan untuk membentuk persekitaran yang menarik.

Misalnya, Sekolah Menengah Kebangsaan (SMK) Sultan Sulaiman, bukan sahaja menyediakan persekitarannya dengan membina taman mini sahaja, tetapi dalam masa yang sama pihak pengurusan memilih satu lagi kaedah, iaitu mendirikan wakaf atau pondok untuk pelajar dan guru berehat atau melakukan aktiviti.

Kini, terdapat 10 wakaf atau pondok yang didirikan.

Terbaru dua wakaf yang dibina antara Blok Bilik Guru dengan Blok Pentadbiran.

Wakaf tersebut dirasmikan Pengurus Besar (Perkhidmatan Pengguna), Tenaga Nasional



NIK AZEEM



Sebahagian pelajar berpeluang berehat sambil membaca bahan bacaan di wakaf.



Nazri (tiga, kanan) ketika upacara perasmian wakaf Teratak Nilam Balduri.

Berhad cawangan Terengganu, Nazri Puteh yang dilangsungkan 28 Jun lalu.

Ketika ditemui selepas acara perasmian, antara lain Nazri memberitahu, pembinaan wakaf seperti yang terdapat di SMKSS merupakan langkah bijak kerana secara tidak langsung ia menentang warisan budaya reka bentuk Melayu lama yang mana selama ini kebanyakan generasi muda kurang mengenalinya.

Kata beliau, lebih menarik lagi setiap wakaf itu diletakkan pelbagai barangan khazanah masyarakat lama yang bercirikan keunikan kraftangan



Antara produk kraf yang dipamerkan di wakaf untuk tatapan warga sekolah.

mempunyai nilai seni tinggi.

Hal ini sekali lagi mampu menarik perhatian pelajar untuk menjadikan wakaf sebagai tempat mereka berehat atau melakukan sesuatu aktiviti dalam kegiatan kokurikulum yang bermanfaat.

Sementara itu, Pengetua, Wan Rohana Wan Mansor pula beranggapan, pembinaan wakaf atau pondok itu memberikan ruang yang selesa dan kondusif untuk semua warga sekolah berehat santai.

Malahan, katanya wakaf yang didirikan itu juga boleh dijadikan tempat pembelajaran di luar kelas.

Ketika ditanya berkenaan kos peruntukan yang disediakan untuk mendirikan wakaf tersebut, Wan Rohana memberitahu, kesemua wakaf

tersebut disumbangkan oleh pelbagai pihak termasuk sumbangan Alumni SMK Sultan Sulaiman yang selama ini begitu banyak menyokong kegiatan yang dirancang oleh sekolah.

Ketua Pelajar Nik Azeem Nik Rushdi, 17, berkata, landskap persekitaran sekolah yang kondusif sangat memberi kesan positif ke atas semangat untuk sentiasa seronok berada di sekolah.

"Saya dapati dengan adanya wakaf atau pondok ini akan membolehkan warga sekolah khususnya buat pelajar memanfaatkan sebagai tempat untuk berbincang atau membaca," katanya yang bercita-cita menjadi seorang saintis nuklear.

Nota: Bagi melihat lebih banyak gambar sila ke www.gpsbestari.com